

Eochueno Met Epwe Fis ren Pekin Health ren an epwe Eoch Ngeni Manaw me Ekkesiwin Omwokut ren Coverage

Ren iei, ewe system ren health care ese eoch angangan ren an epwe anisi aramas ion mei mefi penunon met mei fis ren health insurance, akkaewin ir ekkewe ir mei anongonong won ewe coverage ren Medicaid non Oregon, Oregon Health Plan (OHP). Met mei osukosuka ewe coverage ren OHP ekan napengeni an epwe fis iwe chon nounou rese chiwen tongeni ar repwe kutta aninisin safei, rese chiwen tongeni ar repwe churi iowe nour tokter, me pwan tou seni ekkoch sokkun angangen aninis mei namwot ngenir ren ewe SDOH me ar repwe sopweno ne fori met epwe eoch ren ar health. Sopwosopwonon, aramas ion mei watte sakopaten angangen safei ngenir, anonon met sokkun angangen aninis epwe kawor ngenir ren nonnomwun inisir, me/ika kisino ewe ukukun tufich ir mei tongeni pusin anganga won ar ren met mei menei repwe kutta aninisir seni nour tokter.

Pwan sopwosopwun, mei wattenno ketiwan pwe ekkewe sokkun mettoch mei angawano pekin health (SDOH), usun ren forutan neeni me pekin imw, toureoch ngeni ekkewe sokkun mongo mei apochokuna inis, mecheresin pekin angang me moni tonong, mei forata ukukun 80-90% won met mei fis ngeni an emon aramas health.^{1,2} Ekkei SDOH, mei pachenong nifinifin ngeni aramas pwokiten ir chon ekis, ikena met pwoputan an fis ekkewe angangen pekin health ese nonnopok me angangen ateteni koukun manawen aramas.³

Oregon mei achocho ngeni an epwe anganga ekkei osukosuk ren an epwe:

- Fori pwe ewe coverage ren Oregon Health Plan (OHP) non unusen met mei omwokut me met ekkesiwin ngeni coverage, me pwan
- Nengeni met kewe unusen mettoch mei fis pwokiten health, ren ir me ruw met ei menei safei me esapw safei non fansoun ekkesiwinin omwokut ngeni manawen emon.

Fori an epwe wor coverage ren OHP non unusen ekkesiwinin omwokut ngeni manaw

Usun met mei awewetiw ren met esapw angangen pekin safei, mei pwarata-anongonong won met ekkesiwin mei fis ren met ese pwonueta ren pekin imw, ekkewe sein uwou aramas ar ren pekin health, ese nafeoch mongo, aninisin me osupwangen pekin angang ngeni pwan wattenon met mei fis ren enienin asepanin fan nang epwe tongeni pwan kawor ngeni ekkewe chon nounou OHP ren an epwe nomw non ekkewe ekkesiwinin omwokutun manaw. OHA epwe anonopoku metewe aninisin moni me nenian an epwe anganga, awora aninisin, me anisi ewe angangen tumwun epwe fetaneoch

¹ Magnan, S. (2017). Social Determinants of Health 101 for Health Care: Five Plus Five. National Academy of Medicine. Available at: <https://nam.edu/social-determinants-of-health-101-for-health-care-five-plus-five/>

² Hood, C. M., K. P. Gennuso, G. R. Swain, and B. B. Catlin. 2016. County health rankings: Relationships between determinant factors and health outcomes. *American Journal of Preventive Medicine* 50(2):129-135.

ngeni an epwe eochueno pochokunen aramas non fansoun nakatam ren ir ekkewe mei nounou OHP me non ekkewe ekkesiwinin omwokutun manaw.

Nengeni unusen metekewe ir mei angawano pekin health

Oregon mei angang ngeni an epwe anisi sokkun osupwangen inis, ar mwokutukut, me fefeitan ren meinisin chon nounou OHP an epwe aea ewe sokkun angang mei ochufengeni sokkun mei semwen meinisin. Ren an epwe pwonueta ei ekiek, Oregon epwe awora tingorun mwumwutan ar repwe ekkesiwini ekkewe onnukun Medicaid pwe epwe eochueno ar repwe tour ngeni aramas non sakopaten met mei fis ngeni manaw, me pwan awora sokkun aninis ren pekin health non fansoun epwe wor ekkesiwinin omwokut ngeni pwan ew neni ika fansoun epwe wor watten kar, watten pwichikar, ika ekkoch pwan sokkun mettoch mei fis pwokiten enienin fan nang mei watte osukosukan. Ika pwe epwe ketiw, Oregon epwe anganga ekkewe kinikinin coverage non Medicaid mei penuno ren an epwe atamano fansoun coverage – non ew keukun fansoun – ngeni ir ekkewe mwiichen aramas ir mei mwokut ngeni ekis me pwan awora ewe aninisin SDOH usun mei awewetiw me fan. to eligible transition populations and provide SDOH services defined below.

Ren an epwe fori pwe coverage ren OHP non unusen ekkewe ekkesiwin omwokutun manaw me pwan anganga ekkewe mettoch mei forata an epwe angawano health, ren ir me ruw met mei menei angangen safei me esapw angangen safei, Oregon epwe wanong tingorun pwe:

1. Epwe siwin ewe onnukun federal mei eppet i kaworen Medicaid ngeni emon aramas mei nomw non kanopwus, pachenong ekkewe chochon aramas me ekkewe ir mei nomw non ewe Oregon State Hospital me ekkewe nenien tumwunuw ir ekkewe mei osukosuk non mokurer, ren are repwe wosen:
 - a. Nomwono chok won ekkewe aninis me/ika atamano fansoun angei aninis sei Medicaid ngeni meinisin serafo pwan ekkewe mei tufichin repwe nounou Medicaid ir mei tonong non ekkewe imwen kanopwus non unusen fansoun ar nomw non ewe neni ese pwan nifinifin meni neni ir mei nomw non.
 - b. Awora aninis epwe kouk ren OHP (awewe, safei epwe mak meren tokter, toureocheun aninis non fansoun ekkesiwin) me chon nomw non CCO ren ir ekkewe member non OHP ion epwe ne tou seni ewe Oregon State Hospital, ekkewe nenien tumwunun ir mei osukosuk non mokurer ika ekkewe nenien kanopwus an kukkun me non state, 90 ran me mwen repwe tou.
 - c. Awora aninnisin OHP ika katonong non CCO ren chon fiti ewe OHP ir mei nom non pureik ika nenien kanopwus, pachenong ekkewe aramas re utiwitin ar ranin kopwung.
2. Nomwono chok won ewe koukun an emon semirit tufichin epwe nounou me aninisin ren ekkewe Serafo mei Menei Aninisin Pekin Health Care (YSHCN) feita ngeni 26 ierir.
3. Forata ew aninisin moni, fiti pochokunen nemenem ren nounoun, ew sokkun angangen aninisin omwokut ren SDOH an epwe anisi iokewe ir mei menei ewe aninis fansoun an wor ekkesiwinin omwokut ngenir non ewe atun ir mei nounou ewe coverage me fansoun ekkesiwinin omwokutun manaw.
4. Awateno me awora monien, fiti pochokunen nemenem ren nounoun, ekkewe neni mei menei aninis ren an epwe tour aninis ngeni iokkwe chon awora aninis esapw ren pekin safei.

5. Angei pochokunen nemenem ren nounoun an epwe anisi fefeitán sokkun tufich me non ekkewe community, pachenong niiwin ngeni ekkewe chon awora aninis me ekkewe organization non community (CBO) ren pekin infrastructire me awatenoi ar tufich non ekkewe pekin.

Osukosuk me Feiton

Ewe Angangen Assessment ren Oregon State Health non 2018 mei kuna pwe ekkei sokkun mettoch ese nonnopok me pwan ekkoch, mei feito seni metekewe mei fori an epwe osukosuka pekin health.² Ew me ew ekkei mettoch ese nonnopok mei fori pwe ekkewe chon nounou repwe napeno ar apwangapwang ngeni sokkun mettoch mei fis mei angawano seni ekkei ekkesiwinin omwokut me napenon met me fis pwokiten ekkesiwinin nonnomwun ewe neni.

- Fiti an ese pwan kapachenong ekkewe aramas mei affat pwe ir mei sakono onuwen unucher ir mei mefi osupwangen ese wor imwer non ew kinikinin kouk anono ngeni aramas ese niffin.
- Arapakan meinisín sokkun mwiichen aramas me mwiichen aramas seni ian er feito me ian me non Oregon – akkaewin ekkewe Afrian American– ir ekon fateno ar mefi watten osupwan nap seni unusen non ei fonu United States.
- Ew-ne unungat ren meinisín imwen ekkewe ir African American ir mei nouni nap seni ukukun 50% me non ar moni tonong ren niiwinin imw, anonno ngeni 17% ren imwen meinisín non ewe state.
- Ekkewe African American me non Oregon repwe anei fan 4.6 nap seni ir ekkewe mei pwechepwech ren ar nomw non imwen kanopwus, me ekkewe Native American me chochon Latino/a/x ir mei mefi ei kouk ren ar nomw non imwen kanopwus anea fan 1.8 me 1.4 chommongur seni ekkewe mei pwechepwech, non ennetin.

Ew mettoch minne mei forata an epwe wor ekkei mettoch ese murinno ngeni an epwe nonnopok angangen pekin health iwe we penunon non ewe coverage ren OHP, mei fis pwokiten ekkesiwinin nonomwun manaw. Met mei angawano ewe coverage me aninis mei fis ren an ese pwungupwungeoch nonnomwun manawen emon aramas, akkaewin non fansoun mei napeno met epwe apwangapwang ren. Metekewe penunon non coverage mei napengeni an forata an member resapw chiwen mecheres ne tour ngeni nour kewe tokter ika fen sokkun aninis, iwe pwan forarata an epwe ngaweno nonnomwun pekin health me pwan watteta niiwinin pekin tumwun feino non ekkán ran mwach.^{3,4}

³ <https://www.oregon.gov/oha/PH/ABOUT/Documents/sha/state-health-assessment-full-report.pdf>

⁴ <https://www.ncbi.nlm.nih.gov/pmc/articles/PMC5548183/>

⁵ <https://pubmed.ncbi.nlm.nih.gov/28728555/>

Ekkewe ekkesiwin minne mei forata ekkewe penunon non coverage mei pwoputa seni an a wor mwokut fetan non kinikinin manawen emon, ekkesiwin non nonnomwun ian mei nomw ian, ekkewe sokkun mettoch mei efeiengawa nonomun aramas, ika pwan ochufengeni ekkei meinin. Sopwosopwonon, ekkewe amwokut mei forata an epwe penuno me ifis fan iten ekkoch chon nounou OHP seni non ekkewe community ren ir mei sakono onuwen unucher, eukuku ar tufichin ar repwe kuna aninisir ren pekin health me nonomwun aramas.

Ekkewe fansoun mei wor ekkesiwin non nonnomwun emon ikena met mei aweiresi ekkewe member non OHP ar repwe tongeni mwokutuno ika mwo mei affatewe sokkun health system mei fitikoko. Ekkewe member mei tongeni pwe resapw tufichin nounou Medaid ika fen resapw chiwen pachenong non ewe angangen tumwun meren ekkewe organization (CCO) minne mei forata an epwe angawano sokkun aninis ren pekin safei me angang fengen nefinen ekkewe tokter. Sokkun aninis minne epwe tongeni eochueno an emon tufichin epwe member me pwan an epwe nomw won ekkewe aninisin pekin health me an epwe anisi manawan, usun ren mecheresin tour ngeni sokkun aninisin pekin imw nupwen epwe tou me non imwen kanopwus, esapw ikena met aninis mei pachenong ren Medicaid. Osukosuken coverage me aninisin mei fis pwokiten ekkei metoch mei tongeni an epwe fori an epwe angawano nonnomwun manawen emon aramas non fansoun mei watte an osupwang me pwan tongeni forata penunon angangen aninis epwe tour ngeni, iwe mei fori an epwe ngaweno pekin health me watteta niiwinin non ekkan ran mwach.^{5,6}

Non ekis fansoun, ekkewe sokkun aninis mei tichikitiw ir mei eriri ngeni angangen ar repwe finata ren met mei fis mei angawano, pekin aninis ren nonomwun emon me eochuno met epwe fis pwokitan ina met epwe anisi an epwe fetaneoch ewe angangen ekkesiwinin omwokut me ekisano met epwe fis pwokiten ekkewe mettoch minne mei forata an esapw wor nonnopok onn angangen pekin health, kaworen aninsin pekin health mei murinno me kukunutiwen met niiwin ngeni ewe mwuun state me federal.

Nenengeni ewe SDOH ngeni ewe 2017-2022 1115(a) ekkesiwinin taropwen waiver

Me fan nurun ewe ekkesiwinin angangen waiver ren an Oregon iwe 2017-2022 1115(a) OHA mei wanong pworousan sakkon aninisin pekin health (HRS) ren an epwe anapano an ekkewe CCO tongeni ar repwe nounou sokkun aninis esapw ren pekin safei an epwe anisi nonomwun an ekkewe member health me metekewe mei fis pwokiten nonnomwun aramas me ekkewe angang ese nonnopok mei forata ngawenon an emon health. Iwe nge, tori iei, met mei kamotiw fan iten HRS mei

³ Health inequities happen when unfair social policies and practices deny groups of individuals the opportunity for optimal health, either through a lack of resources that promote health or through increased exposure to risk factors for disease. https://www.bphc.org/healthdata/health-of-boston-report/Documents/3A_Health%20Equity_16-17_HOB_final-3.pdf#search=difference%20between%20inequities%20and%20disparities

⁶ <https://www.ncbi.nlm.nih.gov/pmc/articles/PMC5548183/>

⁷ <https://pubmed.ncbi.nlm.nih.gov/28728555/>

chiwen chok kukkun (0.7% ina koukun) iwe ese pwan unuseno met kewe osupwang an ekkewe mwiichen aramas ir mei wor ekkesiwinin omwokut ngenir fansoun ar nomw non ewe coverage. Ei kukunun met mei kamotiw ina met ir mei nenengeni pwokiten mei tongeni an epwe euchueno an ekkewe memeber me chon ekkewe community pekin health.

Non ekkei fansoun mei fis ei angang, OHA epwe wanong tingorun an epwe wor koukun ifan ewe auchean niiwin ren pwachetin unusan an epwe kawor ren fetaneochun me tourechun ngeni ekkewe CCO, ina pwopun ach sipwe fori pwe epwe wattenno sokkun aninis non ekkewe HRS nge ese wor ar repwe ekiiki ewe premium mei kisino ren met mei fis pwokiten nonomwun pekin health ina met epwe eochueno me ekisano watten niiwinin pekin safei.

An epwe tongeni pwoputani ewe kanapenon aninis me non HRS, OHA epwe kutta pochokunen nemenem ren nounoun ewe aninis pwe epwe fori ew fix pool ren monien aninis ngeni ekkewe member non ekkewe HRS ir mei mefi weiresin ekkesiwinin omwokut ngenir ren an fori ar repwe osupwang ika re tou seni ewe coverage. Me ikei, ekkewe CCO repwene tongeni nengeni sefani meni HRS mei tongeni epwe eochueno nonomwun pekin health me ekisano met sokkun epwe kamou ngeni pekin safei.

Ewe taropwen an epwe ketiw ekkewe anisinin ekkesiwin ngeni SDOH iwe epwe foruta ren an epwe ekisano ewe watten osupwang epwe fis fansoun epwe wor ekkesiwin ngeni ewe coverage me epwe pwan ina met repwe nenengeni ren SDOH. Ei mei tongeni pachenonganinisin pekin imw, sokkun wa sein aninis ren pekin health, anisinin mongo mei namwot ngeni inis, aninis ren pekin angang me/ika aninis ngeni ekkewe member ir mei mefi osupwang ren watten mettoch mei fis ren enienin fan nang. Ren an epwe tongeni wor ekkei sakkun aninis, ekkewe member ir mei nomw non ekkewe fansoun ekkesiwinin omwokut ngenir repwe tongeni tour ngeni anen aninis repwe fiti ewe angangen ekkesiwin nge repwe chok nomwono won metewe ir ra fen nonomw won ren met mei menei epwe eochueno pekin health me marinon manaw. Ren an epwe kawor anisinin monien ekkei aninis meren ekkewe CCO me nukun ewe pwachetin unusan mei wor, ekkewe CCO repwe nengeni meni angangen aninis mei kon namwot iwe epwe pwan wanong anisinin moni non ar iwe pwachetin unusan ngeni ekkewe sokkun angangen aninis usun ren OHA (me CMS) feitiw ngeni metewe sopwosopwun ar monien aninis.

Ekkei anapanapen angang mei awewetiwi me fan ewpe tongeni awora coverage ian mei wor ewe penunon me non (awewe, tonong/tou me non ekkewe neni, ar tufichin nounou pwokiten ierir). Pwan sopwosopwun, ewe anapanapen angang mei kutta an epwe nenengeni ekkewe sokkun mettoch mei forata an epwe osukosuka pekin health, ren ir me ruw pekin safei me esapw pekin safei, ren an epwe awora anisinin member ren SDOH – me pwan fan ekkoch, me ren ekkewe aninis mei kawor me non community esapw ren pekin safei – mwen an epwe wor ekkesiwin ngeni tufichin nounou me /ika esapw tufichin ren Medicaid.

Affaten angangan

Anapanap 1. Siwini en ennukun federal ren an ese tongeni kawor ngeni aramas aninnisin Medicaid ika re nom non kanopwuus.

Ika mwo mei fetaneoch an Oregon pachenong pwukuwen ngoroun aramas mei mwuk non ewe OHP fan nurun ewe Medicaid, mei pachenong an epwe pungupwungeoch, iwe ekkewe Nenien Tumwunun mei Samwau non Ekiek (IMD) ir mi kuna sakopaten mettoch minne epwe osukosuka ar coverage. Ren iei, ika pwe ekkei aramas ir mei pachenong non OHP fansoun ar nomw non ekkewe neni, Oregon mei eukatiw ar iwe coverage. An emon epwe pachenong epwe for sefan fansoun a tou nge mei tongeni epwe ukukun 10-14 ran, mei forata an ewe aramas esapw kawor ngeni sokkun aninis. Ekkewe member mei menei aninis ar repwe safei ika aengaw ngeni sokkun safei (SUD) resapw tongeni repwe kawor ngenir tori ar repwe pachenong sefan, iwe non ekkewe fansoun ir mei kouno seni ekkewe sakkun aninis non ukukun fituw wiik.

An esapw pwonueta kaworen aninisin health insurance me pekin tumwun ngeni ekkewe aramas ir mei nomw non imwen kanopwus nge repwe ne wor ekkesiwinin omwokut ngenir ina met mei tongeni forata osukosuk ngeni nonomwun ar pekin health, me niwinir.^{7,8} Angangen pekin kopwung mei menei an epwe wor ren ekkewe aramas ir mei mefi weiresin an a watteta niwin ren inis me mwokutun inis.⁹ Iwe pwan niwiniti, ekkewe aramas mei sakono onuwen unucher ir ekan kon chommong me non ekkewe imwen kanopwus non Oregon,¹⁰ wewen pwe aramas mei sakono onuwen unucher ir epwe kon watte ngenir osupwangen an epwe wor penunon me non ewe coverage an OHP fansoun an epwe wor ewe ekkesiwinin omwokut me non ewe neni.

Ekkewe member ir mei niwin sefan ngeni non community seni ekkewe neni repwe mefi kisonon weiresin ar repwe tour ngeni sokkun aninis me tumwun mei kawor:

- epwe kouk coverage ren OHP me
- Ar pachenong non CCO ewe mei cover ewe pekin tumwun me kutten aninis non ewe fansoun mei ekkesiwin aninisin SDOH.

Oregon mei wanong tingorun an epwe waive ewe onnukun federal minne mei eppet i an ekkewe aramas mei nomw non nenien kanopwus repwe tongeni tour ngeni aninisin Medicaid me pwan tingorun an epwe taitap fengen aninis seni federal an epwe anisi ewe coverage fan iten ekkei sokkun aramas mei osupwang.

Ika pwe ese wor ei taropwen waiver ren pochokunen nemenem, Oregon epwe tichikietiw:

⁸https://journals.lww.com/professionalcasemanagementjournal/Abstract/2009/03000/Reducing_30_Day_Inpatient_Psychiatric_Recidivism.8.aspx

⁹ https://cdr.lib.unc.edu/concern/honors_theses/j6731775s

¹⁰ Rich, J. D., Wakeman, S. E., & Dickman, S. L. (2011). Safei me ewe Semwenin non Imwen Kanopwus non ei United States. *New England Journal ren safei*, 364(22), 2081- 2083. doi:10.1056/nejmp1102385

¹¹ <https://www.vera.org/downloads/pdfdownloads/state-incarceration-trends-oregon.pdf>

- a. **Nomwono chok won me/ika atamano fansoun ar nounou ewe Medicaid ngeni meinisin serafo ika pwan ion mei tufichin epwe nounou Medicaid ir mei tonong non ekkewe nenien kanopwus an kukkun non unusen ewe fansoun ir repwe nonnomw non ewe nenien kanopwus ese nifinifin ika meni neni re nomw non.**

Ekkewe serafo ir mei pachenong non ewe angangen opwungu serafo ir rekan kon napengeni ar mefi ei osupwang. Serafo ir mei wor ar piin nounou ewe welfare ngeni semirit ika nomw won ewe system ren pekin behavioral health ir rekan napengeni ar repwe no ngeni epwe system ren ir ekkewe mei kukkun ierir. iwe nge pwan sefaniti, ekkewe serafo ir mei sakono onuwen unucher ir ren unusan ekan kon chommong ngenir, non ekkewe imwen kanopwus an kukkun, me pwan watteta kukun, ir ekan kon napengeni re nomw non ekkewe nenien kanopwus mei wosen tichik ngenir ar resapw tou.¹¹ Ekkei serafo ir mei sakono onuwen unucher ir napengeni ar rpwe mefi watten osukosuk me mowaten niiwinin safei me pwan pekin behavioral health pwokiten nikinikin ar uweirenong non ekkewe neni mei nifinifin ngenir seni fan iten ian re feito me ian me pwan ekkoch mettoch, me pwan kukkun sokkun aninisin pekin safei ngenir me aninisin pekin tumwunun semwen ngenir non fansoun ar nonnomw non ewe neni.¹²

Ekkei aramas ir mei napengeni ar nomw non fitu sokkun system (ren pekin safei, ren pekin behavioral health, pekin sukun, pekin aninisin semirit) iwe mei tongeni ar repwe menei watten aninisin nongonong ren met epwe anisir minne mei weires ngenir ar repwe pusin tour ngeni nge esapw wor an epwe kamotiw me nemenemen ewe case. An epwe kawor aninisin pekin health care me pochokunen an epwe wor angang fengen nupwen epwe wor watten ekkesiwinin omwokut ngeni emon (pachenong ren pekin kopwung) me met mei osukosuka nonnomwun emon (serafo, ekkewe serafo seni ekkewe ir mei sakono onuwen unucher ra kon chommong non ew neni), ekkei anapanapen angang mei tongeni an epwe eochueno ekkewe angangen pekin health mei namwot ngeni manaw ren ir ekkewe serafo mei watte ngenir efeiengawan me anisi ngeni an epwe ekis kukununo niiwinin me non unusen kinikinin ewe system.

- b. **Awora aninis epwe kouk ren OHP me chon nomw non CCO ren ir ekkewe member non OHP ion epwe ne tou seni (i) ewe Oregon State Hospital, (ii) ekkewe nenien tumwunun ir mei osukosuk non mokurer, me (iii) ekkewe nenien kanopwus (90 ran me mwen repwe tou).**

Ekkewe member non OHP mei repwene tou seni pureik ir repwe kon watte ar repwe mefi weiresin osupwangen met mei fis ren pekin health. Ekkewe aramas mei pachenong angangen kopwung ngeni nonnomwur ren watten met ir mei mefi pwokiten pochokunen

¹² <https://pubmed.ncbi.nlm.nih.gov/23334336/>

¹³ Sedlak AJ, McPherson KS. Met an ekkewe serafo osupwang me menei aninisin. OJJDP Juvenile Justice Bulletin. 2010;April:10–11. Mei kawor won: www.ncjrs.gov/pdffiles1/ojjdp/227728.pdf

inisir me ar behavioral health iwe pwan ir mei watte ngenir osukosuk ren ar feiengaw me mano pwokiten angangen efitikoko, ar watte met safei ra unumi, me ar pusin angeiano manawer nap seni ekkewe aramas rese mwo piin nomw non pureik. Awewe chok, ukukun ekkewe mei mano ren ar un watte safei ren ekkewe aramas ir mei nap seni 100 koukun chon ir mei nomw non ei sokkun nikinik.¹³ Aramas mei nomw non imwen pureik ion mei wor an osukosuken behavioral health ir mei napengeni ar repwe fis ngenir nap seni ekkewe ir ese wor ar osukosuken non mokurer ren ar ra piin nomw ese wor imwer non ewe ier me mwen ar repwe nomw non kanopwus, ir rese mwo pwan piin angang me mwen ar repwe ares, iwe mei pwan wor repot ren ar piin fori angangen turunufasa aramas ika sexual abuse.¹⁴

Ren ar epwe angang ngeni an epwe wor pwungun angang ngeni ekkewe ir mei nomw non ekkei kinikinin aramas ar repwe tongeni tour ngeni ekkewe aninis 90 ran me mwen ar repwe tou seni me monota ngeni ar repwe nomw non ewe aninisin pekin health care me anisi ngenir fansoun ra tou chiechien ewe taropwen tingorun aninisin ekkewe mei ekkesiwin nonnomwur ren SDOH, Oregon mei angang ngeni an epwe:

- Eochueno nonnomun inisir me pekin behavioral health ren ekkewe chon nomw non imwen kanopus me murin ar ra tou
- Ekisano ar repwe no ngeni ekkewe nenien emergency, pioing, me pwan ekkoch neni mei awora aninis ren ar fori an epwe pwungupwungeoch angang fan iten ir ekkewe member non OHP an epwe chok sopwosopwono, aninisin pekin inisir me ar behavioral health
- Awora pekin aninisin safei epwe chok sopwosopwono ngenir
- Ekisano niwinin pekin health care ren an epwe sopwosopwono angangen aninis ngenir fansoun repwene tou nonnomw non community

c. Awora aninnisin chon nounou OHP ika katonong non CCO ren chon fiti ewe OHP ir mei nom non pureik ika nenien kanopwus, pachenong ekkewe aramas re utiwitin ar ranin kopwung

Ei aninisin tingor ren coverage mei wanong non an kokkot ewe mwochomwochen fansoun (kukun seni 90 ran) me ukukun tamen fansoun ese fateno ren an epwe nonnomw non pureik me pwan ekkoch imwen kanopwus. Awora aninnisin OHP ika katonong non CCO ren chon fiti ewe OHP ir mei nom non pureik ika nenien kanopwus, pachenong ekkewe aramas re utiwitin ar ranin kopwung. Oregon mei wanong tingorun pwe ekkewe rese mwo fateochuno ar repwe

¹⁴ Binswanger, Ingrid A., Marc F. Stern, Richard A. Deyo, Patrick J. Heagerty, Allen Cheadle, Joann G. Elmore, and Thomas D. Koepsell. "Release From Prison — A High Risk of Death for Former Inmates," *New England Journal of Medicine*, January 2007

¹⁵ Gates, A., Artiga, S., Rudowitz, R., "Health Coverage and Care for the Adult Criminal Justice Involved Population," Kaiser Family Foundation, September 5, 2014. <https://www.kff.org/uninsured/issue-brief/health-coverage-and-care-for-the-adult-criminal-justiceinvolved-population/>.

nounou coverage ren OHP repwe angei aninisir seni ewe OHA Community Partner Outreach Program me ewe chon angang non ewe nenien kanopwus an epwe anganga, ounusano me atouranong minafon taropwen application ngeni OHP non ukukun 72 awan ar ares me mak iter. Ekkei chochon aramas ir mei nomw non efeiengawen met epwe fis ese nikinikeoch me ir mei pwan tongeni angei tufichin ren met pekin health mei eochuno usun mei aweweti non tetten b me asan. Ekkei chochon aramas mei tongeni ar repwe tufichin ekkesiwin ngeni pwan ew sokkun aninis mei wewe fengen me SDOH.

Anapanap 2. Nomwono chok won ewe koukun an emon semirit tufichin epwe nounou me aninisin ren ekkewe Serafo mei Menei Aninisin Pekin Health Care (YSHCN) feita ngeni 26 ierir.

Ren ekkewe YSHCN, Oregon mei fori an epwe nakatameno fansoun coverage ren OHP ngeni 26 ier me repwe nomwono chok won ewe koukun tufichin aninis ren 305% FPL an epwe anisi fetaneochun angangen ekkesiwinin omwokutun pekin health care seni semirit ngeni mei mwuk. Chommong ngeni ekkei semirit me kukkun serafo ir seni ekkewe community ren ekkewe mei sakkono onuwen unucher, LGBTQAI+, me ir chon ekkewe Tribe non Oregon me ir ra fen piin sapeseni an ese wor imwer, Tufichingawen an Inisir Mirit me Mamarita (IDD) ¹⁵ ika osupwangen echik. Ach sipwe nenengeni ei ekkesiwinin omwokut ina met kiien an epwe wor nonnopokun angangen pekin health non Oregon pwokiten ekkoch YSHCN ir mei ekis wor aninisin amonata ngeni ar repwene ekkesiwin seni ew ngeni ew, me pwan ekkoch mettoch mei pwarata pwe ei angang mei kon ngaw ngenir pwokiten ian re ir seni meni mwichen aramas me ian re feito seni ian.¹⁶ Meren ewe National Survey won An Semirit Health non 2018-19, 45% serafo non Oregon ier 12-17 ir mei menei sokkun aninis ngenir ren pekin health care. Faminien ekkewe serafo ir mei menei ekkoch sakkun aninis ren health care ra repotei pwe:

- 69% ese torir ekkewe aninisin amonata ngeni ar repwene ekkesiwin omwokutur ren angangen health care,
- 38% ese wor ar fansoun ngeni nour kewe tokter non ewe saingonon fansoun repwe chekir,
- 21% rese kaeo ngeni sokkun met repwe fori ar repwe pusin tumwunur meren nour kewe chon awora ngenir angangen tumwun, me pwan
- 44% ese torir aninis seni chon ewe health care an epwe anisi ngenir met repwe weweiti ren ewe angangen ekkesiwin ren pekin tumwun nupwen repwene tori 18 ier.¹⁷

Ei ekkesiwinin omwokut ngeni ar ra watteta mei auchea ngeni ekkewe serafo ar repwe amasow nour taropwe ngeni Medicaid ar repwe imwuno seni iner kewe me semer ika ekkewe chon tutumwunur pwe

¹⁶ <https://link.springer.com/article/10.1007/s11920-019-1016-1>

¹⁷ https://pediatrics.aappublications.org/content/126/Supplement_3/S129.short

¹⁸ Oregon Center ren Semirit me Serafo mei Menei Aninis ren Pekin Health Taropwen Ennetin Pworous, Rev. 4/26/2021 <https://www.ohsu.edu/sites/default/files/2021-04/Transition%20FACT%20SHEET%20rev.4.26.2021.pdf>

esapw wor ar repwe rukefengen ekkewe coverage. Ewe coverage won pusin an epwe pwan ekkesiwin seni ekkewe aninis mei wor ngeni semirit me ekkewe kukun serafo ngeni sokkun aninis mei wor fan iten mei mwuk. Awesano ewe ekkesiwin ngeni ew minafon anen aninis, nge mei chok pachenong non ewe YSHCN mei tufich ngeni ewe angangen ekkesiwin ngeni aninisin SDOH, epwe kawor ngenir fansoun ar repwe tongeni katon mwokut non ekkei ekkesiwin nge epwe atitin met epwe tongeni angawano, awateno mecheresin an epwe tongeni ekkesiwin ngeni tetenin mei mwuk fiti ewe aninis me toureochun aninis ren an epwe eochun nonomwun health me eochun ngeni nonnomwun manaw. Ren ekkewe kukkun serafo mei menei ekkoch sokkun aninis ngenir, an epwe fetaneoch ekkesiwinin omwokut seni semirit ngeni mei mwuk epwe tongeni napeno¹⁸:

- Fiti ngeni angangen tumwun
- Iteiten chon non an mei mwuk clinic
- Menemeneochun mei semwen
- Nonnomweochun manaw
- Tipachemen tumwunun inis

me pwan kisinon:

- Kounon pekin tumwun
- Met epwe eppet i kaworen tumwun
- Ukukun chon niwiing non pioing
- Nakatamen fansoun nomw non pioing
- Wattenon chon semwen me mei mano

Anapanap 3. Awora ew sokkun koukun aninis ren SDOH anongonong won met kewe mei affatetiw ren ewe ekkesiwin an epwe anisi ekkewe chochon aramas mei mefi osupwang non fansoun ewe angangen ekkesiwinin omwokut

Oregon a fen affata pwan wanong pworousan pwe epwe nenengeni ekkewe angangen ekkesiwin mei fis ewe ekkewe member epwe tongeni mefi non fansoun ierin manawer mei forata an esapw naffeoch touren aninis ren pekin safei, pekin aninis ren ekkoch pwan aninis, ika pwan ren ar repwe kutta anen ar repwe chikar. Anongonong won metewe nonnomwun ewe angangen ekkesiwin me met ir mei piin mefi ren an osukosuker ekkewe member, masowen ewe angang mei pachenong an epwe eochueno angang fengen ren pekin tumwun, aninisin pekin imw, aninisin kутten angang me pwan ekkoch sokkun aninis ren nonnomwun aramas meren chiechiach kewe non community me ekkewe organizations non community. Pwan sopwosopwun, Oregon a fen afatano ekkewe tichikin ekkesiwinin omwokut an epwe sopweno ekkei chochon aramas, ussun mei affat me fan. Tichikin met mwokutun ewe angangen ekkesiwin non unusen chon ewe system, me non ewe angangen health care, me pwan non unusen kinikinin manwawen armas, ika pwokiten non ekkewe fansoun mei tongeni an epwe fori pwe tufichin an emon epwe angei aninisin seni ew ika ruw. Fansoun emon member epwe ne kukununo an tufichin epwe nounou anongonong won metewe mei ekkesiwin won, ewe angangen

¹⁹ Oregon Center ren Semirit me Serafo mei Menei Aninis ren Pekin Health Taropwen Ennetin Pworous, Rev. 4/26/2021, Op. cit.

nengeni fichi me cheki epwe ina met epwe tongeni pwarata ika pwe ekkewe aninis mei urureoch ngeni.

Oregon mei wanong tingorun pwe pochokunen nemenem ren nounou ewe aninis an epwe nonnofengen met mei tou meren federal ren monien Medicaid epwe ina met epwe kamo ngeni ekkewe CCO me nukun ewe pwachetin unusan SDOH ren ekkewe member non OHP ir mei piin nomw non ewe angangen ekkesiwinin omwokut ika mei ngaweno (ren pwan pworous won ei taropwen tingor ka tongeni kuna me won ewe *Nenengeni Nonnopok Aninisin* masowen taropwen). Oregon mei kuna ekkei monien aninis pwe ina met mei fori an epwe watteta met moni mei tou ren HRS non ewe pwachetin monien unusan non ekkan ier mwach, pwokiten ir mei pwan tongeni fori an ekkewe CCO repwe forata ar tufich ngeni me pwarata met sokkun angangen aninis mei namwot me mwen repwe napeno ar mefi osupwangan. Oregon mei pwan wanong pworousan pwe ewe mwonien aninis me nukun ewe pwachetin unusan mei toti w pwoputa non unungat ier ren ewe fansoun mei fis angangan. Pwan sopwosopwoun, Oregon mei wanong tingorun me nepwoputan pwe ekkewe monien aninis seni federal repwe no ngeni ekkei angangen aninis ren ekkesiwinin omwokut ren SDOH.

Ekkewe chochon aramas ir mei tufichin repwe nounou usun mei awewetiw me non an SDOH iwe aninisin ekkesiwinin omwokut mei pachenong:

- a. Ekkewe member ir ese wor imwer, ika ir mei nomw non ar repwene osupwangen imwer
- b. Ekkewe member ir mei mwokutuno seni coverage ren Medicaid chok ngeni Medicare-Medicaid Coverage
- c. Member ir mei mefi osupwang ren mettoch mei fis pwokiten watten enienin fan nang
- d. Ekkewe member (mei mwuuk me serafo) ir repwe ne tou seni ewe system an ewe pekin onnuk ren aramas mei foforongaw
- e. Ekkewe mei mwuk ir repwene tou seni ekkewe Nenien mei Sakongaw non Mokurer (IMD)
- f. Serafo feta ngeni ier 26 ir mei Menei Sokkun Aninisin Health Care
- g. Serafo ion mei nounou ewe aninisin semirit me repwene pwan tonong me tou seni ekkewe imwen semirit ese wor iner me semer, pachenong ekkewe a watteno ierir

Met aninis epwe kawor fan iten omwokut me non ewe SDOH

Pekin Imw

Pekin imw ina met kiien ekkewe sokkun mettoch mei fori osukosuken pekin health, me pwan nomw non ekkewe imw ren ekkewe chon niwiing pioing, kukununon pekin visit ren ED, me kukununon

ukukun chon nomw non imwen kanopwus.^{19,20} Non ew angangen kaeo me non Oregon, niiwinin Medicaid mei kukunutiw won ukukun 12% me murin an ekkewe aramas ra tonong non imwer repwe tongeni moni.²¹ Angangen nifinifin ngeni aramas pwokiten ir chon ew neni ina met mei forata weiresin anen ar repwe kunokun imwer. Me ren ewe data non 2018, ekkew arams non oregon ir mei Chon, Native American, ika chon ekkewe Fonuwen Pacific, ika ruw ika nap seni ekkoch pwan mwiichen aramas ikenair mei kan napengeni ar repwe nomw non ewe chochon ir ese wor imwer nap seni ukukun ir ekkewe ren meinisin chochon aramas mei nonomw.²² Ika pwe ese wor angang epwe fis an epwe eochueno ewe angangen aninis ngeni pekin imw, ekkewe ese wor imwer me itongeni ar repwe fori pwe epwe ngaweno ewe angangen ekkesiwin, me pwan fori pwe epwe watteta niiwin ren ekkewe system ren pekin health care me pwan osupwangenon pekin health ren ekkewe aramas. Aninis mei tongei pachenong ew ika nap seni ekkewe kinikinin masowan:

1. Aninisin pekin rent ika imwer non ekis mochomochen fansoun (niwinin rent, moni repwe monatiw, niwinin rent ese kamotiw, motel, pwan ekkoch, etta ngeni 12 maram)
2. Imw me ekkewe aninis ngeni community (ekkewe ramp, nenien komwoch ren ekkewe nenien fetan, sokkun aninisin pekin fifi me konik, tumwunun neniach kewe, pwan ekkoch.)
3. Aninisin chon nonnomw non ekkewe imw (aninisin chon angang, ar resapw tou seni imwer, application ren pekin imw, aninisin ar repwene mwokutuno ekis, pwan ekkoch.)
4. Mwokutun kuten imw me/ika ewe case manager (1:30 kookun ratio, angangen pachenong ekkewe sokkun aninisin pekin health non eoreni)

Ekkewe wa sein uwou aramas ren pekin health

1. Link ngeni ekkewe sokkun aninisin sein uwou aramas
2. Niiwinin ekkewe wa sein uwou aramas an epwe aninis ne atourer ngeni SDOH aninisin, (awewe., bus pass, voucher ren taxi, ar repwe wawa fengen wa).
3. Ekkewe wa sein uwou aramas ren pekin health me pwan kapach fengen me ekekwe Sein Uwou Aramas Ese Atapwanapwan ren Pekin Safei (NEMT)

Aninnis ren mwongo

1. Ekkewe link ngeni ekkewe sokkun aninisin nongonong ren pekin mongo non community (awewe., taropwen aninisin application ren Prokramen Aninisin Pekin Mongo (SNAP)/Aninisin Prokramen Pekin Mongo fan iten Fefin, Monukon, me Semirit (WIC))

²⁰ Nakamura MM, Toomey SL, Zaslavsky AM, me ekkoch. Euku ukukun semirit mei nomw non pioing nenien semirit ir mei tonong sefan ren an epwe fat ukukun angang mei eochuno. Acad Pediatr. 2014

²¹ Oregon Medicaid Advisory Committee. May 2018. Nenengeni ekkewe Sokkun Mettoch mei Awora Osukosuken Pekin Health me non ewe Oruwen Phase ren ewe Ekkesiwin Sefanin Ewe System ren Health: Met Mochenin ewe CCO Model an Oregon

²²https://oregon.providence.org/~media/Files/Providence%20OR%20PDF/core_health_in_housing_full_report_feb_2016.pdf

²³<http://oregonhousingconference.org/wp-content/uploads/2018/10/Oregon-Housing-Conference-10-15.pdf>

2. Pekin kaeon kuk mongo me ekewe mongo mei namwot
3. Founira me masowen non atake mei wor taropwen me pwan ekkewe mongo mei apochokuna inis on pwor/mongo
4. Ekkewe anen an epwe tour mongo mei for

Aninnis ren angang

Aninisin chon angang mei fateno ngeni ren met mei namwot ngeni emon aramas an epwe angei me nonnom non ewe angang non ewe community. Aninisin angang ren emon me emon me pwan pachenong emon ika fitemon me nein ekkei kinikinin aramas:

1. Kokkotun aninis ngeni aramas ren pekin angang
2. Aninisin pekin angang ren emon me emon me pwan ian repwe angang ian (awewe, kутten angang, pekin interview)
3. Angangen osukun (awewe., won ifan usun an epwe ekkesiwin ar mwokutukut, ar repwe tonong sefan seni ar nomw non kanopwus)
4. Wa sein uwou aramas (kaworen ew me nein an epwe imwuno sein aninis ngeni chon angang ika ngeni ekkewe member non ewe angang)

Ar nonnomw non neni mei fis ekkesiwinin enienin fan nang me won saat ian

Non ekkewe ier ra no Oregon a fen piin kuna sokkun watten ekkesiwin ngeni fan nang ren met mei fis, pachenong watten kar, watten monumon ren ice, mwe watten pwichikar. Non ewe fansoun mei fis watten pwichikar non Oregon non ewe June 2021, 116 aramas non Oregon mei mano fan iten ewe watten pwichikar ika hyperthermia. Ekkewe chochon aramas ir mei watte ngenir osupwangan, mei pachenong semirit, ekkewe fefin mei pwopwo, ekkewe mei mwukeno, community mei wor aramas mei sakono onuwen unucher, ekkewe mwiichen chon eto nonnomw won ei fonu (pachenong ekkewe mei kisikis ar tufichin kapas non Foosun Merika), American Indian, me pwan Native non Alaska, aramas mei wor tufichingawen inisir, ekkewe mwiich mei watte ar osupwang ren pekin angang, usun ren ekkewe chon angang mei angang non neni mei watte efeiengawen enienin fan nang, ekkewe community ren mei kukkun ar moni tonong, aramas mei wor ar watten samwaau, me pwan kochufengenin ekkoch ekkei mwiichen aramas, ekkewe ir mei mefi osupwangen pekin health pwokiten ar ra fen piin nomw non neni mei kukkun an epwe tongeni pochokun ngeni enienin fan nang.²³ Ewe watten mettoch mei fis pwokiten enienin fan nang mei watte ngeni an a chok fifis me pwan pochokuneno, mei tongeni angawano mecheresin touren aninis ren pekin health care.²⁴ Aninis mei tour ngeni aramas mei fis ren ekkewe mettoch mei atai neni fan iten enienin fan nang me pwan apwangapwang ngeni watten pochokunen enienin fan nang mei tongeni epwe ekisano ekkewe angangen pekin health ese nonnopok me ekkewe mettoch mei angawano aninisin pekin health care me coverage. Aninis mei tongei pachenong ew ika nap seni ekkewe kinikinin masowan:

²⁴ <https://www.apha.org/topics-and-issues/climate-change/vulnerable-populations>

²⁵ https://earthobservatory.nasa.gov/features/RisingCost/rising_cost5.php

1. Niiwin fan iten pekin sein uwou arams me apatapat / epwichikar me/ika imwen suu ngeni (awewe. voucher ren taxi, wawa fengen wa, nounou ewe NEMT ika ekkoch sokkun sein uwou aramas ren pekin health mei affat me asan)
2. Niiwin ren ekkoch pisek epwe tongeni anisi ewe tempuchu epwe eochungni aramas me nimenimoch non asepwang, pachenong air conditioner, minen epwichikar, moromoren non asepwan me pwan mwesinen tengki an epwe tongeni anganga ekkewe pisek fansoun esapw wor fifi
3. Niiwin ika voucher epwe tongeni monatiw ekkewe niiwinin fifi mei watteta pwokiten watten pwichikar ika patapat
4. Aninisin pekin imw me aninsin, forusefanin imw fan iten ekkewe watten kar an epwe tongeni ar repwe nomw non
5. Mecheresin tour ngeni pisekin pekin safei (DME) mei chok nonnomw pwokiten ese wor taropwen seni tokter ika nemeneman me mwan
6. Uff me/ika mongo fan iten ekkewe member ir mei mefi osupwangen ewe watten (awewe. watten kar) mettoch mei fis pwokiten enienin fan nang

Anapanap 4. Awateno pekin infrastructure an epwe anisi toureochun aninis epwe nounou ekkewe chon aninis fan iten pekin safei

Oregon mei wanong pworousan ren an epwe anisi ekkewe member arrepwe tour ngeni pekin aninis minne epwe anapano nonnopokun pekin health, pachenong ekkewe sokkun angangen omwokut mei fiti eoreni fan iten angangen tumwun ar repwe nounou ewe Traditional Health Worker (THW) - ewe mei pachenong ekkewe angangen pekin health non community, ekkewe chon angangen health, chon aninis ren tumwunun aramas me ekkewe doulas. Ekkewe THW me pwan chiechier ir mei napengeni mei wor nukunuk non ir seni ekkewe chon non community ion mei pwan ririfengen me pwan nomw non ekkewe sokkun nikinikin manaw, mei forata ar repwe nomw non ew sokkun nikinik ren aninisin ekkewe member ir mei tufichin repwe mwokut non ewe angangen ekkesiwin.

Fan nurun an pochokunen ewe Medicaid State Plan, aninisin ekkewe peer (PDS) mei kawor usun ew angangen anisi mei semwen ren kokkotun an epwe fetaneoch me pwan foruta meren ekkewe chon awora aninis mei license. Me non ei taropwen waiver, Oregon epwe anapano anen tour ngeni PDS. Ekkewe peer re pekin chikar sefan repwe mwumwuta ngenir ar repwe kamo me nukun ewe angangen aninisin emon an epwe chikar (awewe, mwen-murin angangen echikara) ika, pwan ew sokkun, an epwe anganga ewe aninisin SDOH ir mei kuna ewe angangen pekin nonnomwun aramas minne mei menei aninis me nukun ewe aninisin pekin safei me ewe angangen niiwin ngeni ewe model. Mwuata touren aninis ngeni ekkewe peer an epwe tour aninis nge esapw wor kokkotun angangen safeini epwe ina met epwe omwokutano ekkewe mettoch mei eppet i an epwe fis angangen aninis ren safei me fori an ewe aramas epwe tour ngeni aninisin an epwe chikar sefan, pachenong me mwen me murin ar fori angangen safei me non ewe fansoun mei wor ekkesiwin ngeni ewe angangen tumwun. Ekkewe member repwe sopweno ne angei ewe PDS non fansoun ar iwe fori angangen safei ngenir non unusen ewe Medicaid State Plan. Non an ekkei mettoch epwe eochueno nonnomwun ekkewe member, ir mei pwan auchea ngeni ar repwe anisi ekkewe member ir mei nomw non ar repwe fori angangen ekkesiwin non ewe fansoun ar coverage. Ei masowan mei fis an epwe awora aninis meren ese nifinifin, ekkew organizaion an community, me pwan ekkewe community ren pekin chikar sefan.

Anapanap 5. Angei pochokunen nemenem ren nounoun an epwe anisi fefeitán sokkun tufich me non ekkewe community, pachenong niiwin ngeni ekkewe chon awora aninis me ekkewe organization non community (CBO) ren pekin infrastructire me awatenoi ar tufich non ekkewe pekin.

Angei pochokunen nemenem ren nounoun an epwe anisi fefeitán sokkun tufich me non ekkewe community, pachenong niiwin ngeni ekkewe chon awora aninis me ekkewe organization non community (CBO) ren pekin infrastructire me awatenoi ar tufich non ekkewe pekin. Ekkewe Community investment collaborative (CICs), usun mei awewetiwi non ewe *nenengeni nonnopokun aninis* masowen taropwe, an epwe fori ew watten angangen aninis ren tufichin omwokutu ekkewe sokkun angangen infrastructure/system ngeni an epwe amonata ekkewe chon angangen aninis ar repwe aninis ren sokkun nemenem, touren niiwin, me pwan angangen repot ren sokkun pworous epwe anisi ekkewe mei semwen, nenengeni mwokutun, me pwan fori pwe ekkewe prokram repwe wenechar ika aninisin pekin technical me pwan angang fengen ren stakeholder.

Met wewen ekkei ènnùk ngeni ekkewe member non OHP

Ekkewe member non OHP repwe tongeni ar repwe nounou aninis anongonong won sokkun tichikin aninis ren ekkesiwinin nonnomwun manawer nap seni ar repwe safei. Awewe chok, ekkewe OHP member ir mei nomw non neni, usun ren ekekwe ir mei nomw non ewe Oregon State Hospital, pwan ekkoch nenien tumwunun ekkewe mei osukosuk non mokurer ika ekkewe ir mei nomw non nenien kanopwus mei tongeni epwe kukun met aninis ngenir me ekkewe chon nomw non CCO mei mwumwuta ngenir ar repwe fiti ekkewe aninis usun ren pekin aninisin chok aeangaw ekkewe mettoch mei efeiangaw ngeni inisir, pekin imw, me pwan pekin wa, non fansoun ar repwene mwokut seni ekkewe neni.

Ekkewe Serafo mei menei Sokkun Aninisin Pekin Health Care (YSHCN) repwe chon nounou ewe aninis ngeni semirit non OHP tori ar repwe 26 ierir. Ei epwe fori pwe toureochun aninis me pwan ekkewe chon anisir ir ra fen sisiner ika mwo pwe an ar kewe famini moni tonong epwe angawano ar tufichin nounou ewe OHP.

Meinisin member non OHP ir mei ekkesiwin mei awewetiwi me asan usun ren ekkewe member ese wor imwer, ika ir mei nomw non osupwangen an esapw chiwen wor imwer; ekkewe member ir mei mwokutuno seni ewe coverage ren Medicaid chok ngeni Medicare-Medicaid Coverage, ekkewe member mei apwangapwang ngeni met mei fis ren watten enienin asepanin fan nang; me ekkewe serafo ion mei nounou aninisin semirit mei pwacheong me nomw ar repwe ne tonong ika tou seni ekkewe imwen semirit ese wor iner me semer repwe tour ngenir aninisir me angangen aninis ngenir non ekkei fansoun ekkesiwin. Ekkei aninisi mei pachenong mettoch mei tongeni an epwe anisi eochunon an emon aramas health nge rese nomw non tetenin pwe aninsin pekin safei (awewe ren, awesano ekkewe mettoch mei pinei an emon epwe tufichin kutta aninisin me nonnomwochun emon non imwan).

Ekkewe member repwe tongeni tufich ngeni anen aninis mei anapano angangen pekin health an epwe nonnopok, pachenong ren met angangen tumwun mei fetan non angangen eoreni ren ewe Traditional Health Worker (THW) - ewe mei pachenong ekkewe chon angangen pekin health non community, chon aninis ren mwokutun pekin health, ekkewe chon aninisin pekin pochokunen aramas

me ekkewe doulas. Ekkewe THW me pwan chiechier ir mei napengeni mei wor nukunuk non ir seni ekkewe chon non community ion mei pwan ririfengen me pwan nomw non ekkewe sokkun nikinikin manaw, mei forata ar repwe nomw non ew sokkun nikinik ren aninisin ekkewe member ir mei tufichin repwe mwokut non ewe angangen ekkesiwin.

Appendix A

Sopwosopwun (esapw taropwen waiver) anganen anapanap

Fan iei, mei wor sopwosopwun angangen anapanap Oregon mei achocho ngeni an epwe anisi ngeni ei angang nge ese pwan menei an epwe wor pochokunen waiver:

1. Non ewe mwiiich non 2021, ewe Anepwungun Oregon mei awora ukukun \$500 million monien aninis ngeni state an epwe eochueno an Oregon iwe system ren pekin behavioral health ngeni ar repwe angang ngeni ne amwochano nakatamen fansoun an emon epwe nomw non ewe Oregon State Hospital me pwan ekkoch nenien IMD.
2. Non ewe mwiiichen anepwung non 2021, Oregon a forata me awora ewe monien aninis ngeni ewe nampa 9-8-8 ew hotline fan iten eppetin an emon epwe pusin angeiano manawan me sokkun osukosuk mei fis ren behavioral health an epwe anisi aramas ir mei piin sapeseni sokkun efeiengawen osukosuken non mokurer (Oregon House Bill 2417 (2021)).²⁵
3. Oregon mei pwapwaiti an epwe kutta sokkun anapanapen aninis ngeni ekkewe ekkesiwin ngeni ekkewe onnuk me pwan contractini an epwe eochuno aninis ngeni ekkewe aramas ir mei mwokut fetan non ekkewe aninis seni CCO (mwokut seni ew CCO ngeni pwan ew). Awewe chok, ekkewe semirit mei wor aninis ina epwe wor famini epwe wiisen tumwunur ar repwe nonnomw rer non ew sokkun aninisin CCO me nukun pusin imwer r en CCO.
4. Ren ir ekekwe ese wor nour coverage ren OHP, OHA epwe echieci fengen ngeni ewe OHA Community Partner Outreach Program me pwan ewe chon angangen ewe nenien kanopwus ren an epwe fori, ounusano me atouranong nour minafon application ngeni OHP non ukkun 72 awa ar iwe ares me an a makk iter me non ewe pureik non ewe sopw me pwan ekkewe imwen ares non ekkewe sopw (ewe ranin pwoputan ewe coverage epwe ewe pwinin maram ren ewe fansoun a makkeno iter me pwan coverage epwe tongeni epwe kamosefaniu ngeni ena date); iwe ewe chon pachenong non ewe CCO non ewe kinikinin nenien ewe aramas (ika meni CCO ra finata ika pwe mei chommong CCO ir mei aninis non ewe kinikin)epwe tongeni pwoputa non ewe fansoun a kouno ar tufichin nounou OHP.

En mei tongeni angei ei taropwe non fosun fonuwomw, echo mei mesemmong makkan, makken braille ika met uchok ka finieta ren eoch sokkun napanap epwe mak. Atoura mefiom ngeni

²⁶ <https://olis.oregonlegislature.gov/liz/2021R1/Measures/Overview/HB2417>

ewe Community Partner Outreach Prokram ikei community.outreach@dhsoha.state.or.us ika kokkorir won nampa 1-833-647-3678. Kich mei etiwa meinisin chon koko, en mei pwan tongeni kokori 711.